

Demostrando kico hende muher por haci y bon!

Ministro impresiona cu presentacion di caha di Orgel di Glenda Tromp

ORANJESTAD (AAN) -- Ministro di Labor, Cultura y Deporte señor Ramon Lee, cu orguyo a referi na un presentacion di caha di orgel cu a tuma lugar, recientemente, den Centro di Bario Noord, door di e dama Glenda Tromp kende e mes a traha su caha di orgel.

Señora Tromp ta participa den e programa di Fundacion Desaroyo Educativo Comu-

nitario, y den fin di siman el a forma parti di un demostracion di varios caha di orgel. E mandatario a elogia cu e parti di nos cultura aki a entretene un multitud na Centro di Bario Noord, cu a keda balia te laat, na ritmo di caha

di orgel, incluyendo su mesun persona cu a "rek un pieza". Esnan cu a disfruta di e anochi te madruga aki a demonstra nan talento pa baile local, e mandatario a expresa, y ta hopi bon pa constata cu caha di orgel ta na moda ainda.

E ministro a aprecia hopi esaki y a manda palabra di felicitacion pa señor Buchi Boekhoudt, trahador di caha di orgel y cilindernan, na ken e anochi ey a ser dedica, y cu a siña señora Glenda Tromp con pa trahe su mesun caha di

orgel.

E titular di cultura a bisa cu a keda demonstra un biaha mas kico hende muher tambe por haci y bon. E mandatario a califica como fantastico e presentacion di señora Glenda Tromp.